

HYRDINGEN




NR. 6

Desember 2017

ÅRGANG 59

Kyrkjeblad for Bjoa, Imsland, Sandeid, Skjold, Vats, Vikebygd, Vikedal og Ølen



Teikna av Ingrid Koch 7. klasse Vågen skule.

God Jul

Biskopen si julehelsing	2	Basar og julemesse i Vikedal	6	Vinnar av Julenøtter	12
Juleteikningane i Hyrdingen	2	Den kristne jul	7	Årsmøte - Hyrdingen	12
Redaksjonspennen	3	Godt Vaksen fest på Bjoa	7	Frå kyrkjeboka	13
Min salme	3	Visitas	8	Gudstenester	14
Gullkonfirmantfest i Vikedal	4	Takk for meg	11	Julekonsert «Det hev ei rose sprunge...»	14
Gullkonfirmantfest på Bjoa	4	Avskilsintervju med Eldbjørg Andreassen	11	Møter og kungjeringar	15
Søndagsskolen gir verdiar for livet	5	Basar og konsert på Sandeid bedehus	12	Julenøtter	16
Hausttreff på Imsland bedehus	6				



HYRDINGEN:

Ansvarleg: Steinar Skartland

Tlf. 908 73 170

Epost: redaksjonen@hyrdingen.no

Bladpengar/gåver til Hyrdingen
på konto: 3240.11.17937

Adr. Skjold kyrkje

Kleivavegen 2, 5574 Skjold

Layout/trykk: A1 Grafisk Idè, Ølen

SOKNEPRESTANE:

Soknepresten i Ølen

Kari Vik Stuhaug

Rådhusplassen 1, 5580 Ølen

Tlf 53 65 65 41 / 472 53 529

kari.vik.stuhaug@vindafjord.kommune.no

Kontortid: Tysdag kl. 9 – 11 og torsdag

kl. 14.00 – 15.30, elles etter avtale.

Soknepresten i Skjold

Jon Ådnøy, Skjold kyrkje,

Kleivavegen 2, 5574 Skjold

Tlf. 53 65 57 94 / Mobil: 932 45 645

jon.adnoy@vindafjord.kommune.no

Soknepresten i Vikedal

Harald Eintveit, Vikedal kyrkjekontor,

Kyrkevegen 11, Pb. 40, 5586 Vikedal

Mobil 413 25 280

harald.eintveit@vindafjord.kommune.no

Kontortid: Tor 9-15

Mandag er prestane sin fridag.

Kateket Britt Karstensen

Tlf 53 65 65 42 / 45 22 15 80

britt.karstensen@vindafjord.kommune.no

Organistar:

Juri Kotkovitch: 416 46 183

Nelly Kotkovitch: 948 23 044

Haugaland prosti:

P.b. 612, 5501 Haugesund

Tlf 52 80 95 00

Prost Rune Steensnæs Engedal

Mobil 918 34 019

Prostiprest Eldbjørg Andreassen:

Mobil: 952 46 234

Kyrkjeverja i Vindafjord:

Inghart Lasse Tveit, Skjold kyrkje

Tlf. 53 65 57 93

inghart.lasse.tveit@vindafjord.kommune.no

Kontorass. Tove Standal Vaka

Tlf. 53 65 57 96

Soknerådsleiarar:

Skjold og Vikebygd:

Brit Nelly Ness Tveit

Ølen og Bjoa: Per Ølfarnes

Sandeid: Tore Tokheim

Vikedal: Andreas Andreassen

Imsland: Jolaug Sæle Kaldheim

Vats: Grete Skeie Sørhus

BISKOPEN SI JULEHELSING

Frå Biskop Ivar Braut, Stavanger bispedøme



Er jula nødvendig?

Det er nesten for ille å spørja. Klart vi vil ha jul! Det er jo ei viktig høgtid som er prega av familieliv, slekt og tradisjonar. Og samstundes er det ei høgtid med fleire sider: Vi kan godt vera meir oppmerksomme på kor vanskeleg det kan vera også å halda motet oppe gjennom ei høgtid med så mange forventningar.

Men når vi spør så direkte: Er jula nødvendig, då er det ikkje sjølv høgtida vi spør om. For innersida av høgtida er jo ikkje tradisjonar og familie – og alt det vanskelege. Innersida – kjernen – er at Gud blir menneske i Jesus Kristus. Det er forteljinga om ein kjærleik frå Gud utover det vi kan tenkja av oss sjølve. Det handlar om opphavet og meiningsa i heile tilveret. Vi kan oppdaga korleis alt heng saman når Gud faktisk blir lagt i krybba. Eg elskar å seia at Gud møter oss i eit barn på 48 centimeter. Eg veit ikkje kor lang den nyfødde Jesus var, men 48 centimeter er eit uttrykk for kor liten han er og kor heilt Gud kjem inn i menneskeslekta.

Mitt hjerte alltid vanker i Jesu føderum / der samles mine tanker som i sin hovedsum. Der er min lengsel

hjemme / der har min tro sin skatt; jeg kan deg aldri glemme / velsignet julenatt.

Kva tyder det?

At Gud kjenner meg. At Gud pusstar med meg i det livet eg har. At Gud identifiserer seg med meg – og dei utstøtte.

Dette er frelse. Difor kom Jesus. Han kom med ei frelse som Gud hadde lova og som vi treng så sterkt. Vi har eitt håp: Å få vera barn av Gud. Og dette får vi ta imot i dåp og tru og leva i det. «I dag er det fødd dykk ein Frelsar».

Fra krybben til korset gikk veien for deg/slik åpnet du porten til himlen for meg Velsign oss, vær med oss, gi lys på vår vei, så alle kan samles i himlen hos deg!

Er jula nødvendig? Ja, det som hende ei natt i Betlehem er nødvendig. Det er historia om håpet vårt og om frelsa. Den jula er nødvendig. Juleevangeliet i Lukas kapittel 2 er nødvendig og til å leva på.

Medan tradisjonane kan vera trivelege og vel verdt å ta vare på, særleg om vi gjer vel mot kvarandre.

Juleteikningane i Hyrdingen



Teikning av Elsa Lovise Fisk Eide,
3. kl. Vik skule.

av Ingrid Koch, 7. klasse Vågen skule. Eit utval av dei andre teikningane er vist fleire stader her i bladet

Redaksjons- PENNEN



Av Hanne Haraldseide Brekke

Ein son er oss gjeven

Nå er vi midt i den travle førjulstida. Det er lett å la seg uroa over morgondagen. Korleis skal vi få kabalen til å gå opp? Korleis skal vi løysa morgondagens utfordringar? Kva skal vi gje i gåver? Kva vil det nye året bringa?

Det er så mykje å ordna, så mykje å forbereda, så mange forventingar å leva opp til. Vi førebur ein fest, eit kongeleg fødselsdagsselskap. Den gode nyheita er at bursdagsbarnet ikkje ber om fantastiske gåver, sju sortar kaker eller eit støvfritt hus. Han tek gjerne ein låvefest blant dyr og halm.

Vi må gje oss sjølv litt slakk. Ikke legg lista så høgt. Og bry deg ikkje om kva naboen synes.

Ta ein pust i bakken, ein kopp og fem minutt. Smil til dama i kassen, og møt blikket til dama med koppen utanfor butikken. La førjulstida bli ei tid for å spreia glede.

I tillegg er bursdagsbarnet vi skal feira meir opptatt av å gje, enn å få. Jesus vil gje oss eit nytt liv, vera ein trufast følgjesvein til vår siste dag. Vi kan strekke to tomme hender fram mot bursdagsbarnet. Gåva kjem til oss denne dagen.

«For eit barn er oss fødd, ein son er oss gjeven. Herreveldet er lagt på hans skulder. Han har fått namnet Underfull rådgjevar, Veldig Gud, Evig far, Fredsfyrste.» Jesaja 9,6.

MIN SALME

Av Elin Frøyland

Eg heiter Elin Frøyland og bur på Fosteneset i Skjold. Skulen har vore min arbeidsplass i over 40 år, vel 30 år på Sand i Suldal, og deretter 10 år på Grinde Skule. Eg har nå vore pensjonist nokre år.

Me skal gå tilbake over 60 år, til ein juledag midt på 50-talet. På Undheim kapell på Jæren er det julegudsteneste. Eg er 10 år gammal og er på gudstenesta i lag med familien min, som me alltid var når det var gudsteneste. Denne juledagen kjem det fram ein ung mann og syng ein julesalme eg aldri hadde hørt før. Han syng slik at eg aldri har gløymt det sidan. Om det er teksten, melodien eller den fine barytonstemmen som har gjort dette til eit ugløyande minne, veit eg ikkje. Kanskje det var heile settingen som gjorde så sterkt inntrykk på 10-åringen.

Solisten visste eg kven var: Han heitte Noralf Garborg og kom frå same bygda som eg. Han vart etterkvart ein kjent barytonsongar.

Julesalmen står i salmeboka, nr. 60 i den nye, og er ein av dei finaste julesalmane eg veit om:

Gud sin egen Sønn oss gav,
nå ved juletider.
Derfor går et lovsangshav
over verden vide.
Derfor fra det høye kor
lyder det her nede:
Give er din sak på jord,
Gi, og gi med glede



Elin Frøyland

Gi din Gud ditt hjerte hen,
gi din ringe neste!
Gi din uvenn og din venn,
gi dem av ditt beste!
Gi til du blir tom og arm,
Intet skal du miste!
Gi til du blir rik og varm,
rikest på det siste!

Tekst: Gustav Jensen(1896).
Mel: Kristian Lindemann(1923)

Testen er like aktuell som for 60 år sidan, kanskje endå meir: Den fortel tydeleg kvifor me feirer jul: Gud vart menneske og kom til oss.

Dernest seier teksten noko om korleis me skal ha det med kvarandre. Inn i vår tid der me er så opptekne av meg, mitt og mine, er det viktig at me gløymer oss sjølv. Då kan me vera med å skapa heimar, miljø og samfunn der det er godt for alle å vera.

God julehelg!



Teikna av Siri, 1. kl. Vikedal skule.



Teikna av Ingeborg, 6. kl. Vikedal skule.

Gullkonfirmantfest i Vikedal

8 konfirmantar stod til konfirmasjon i Imsland kyrkje hausten 1967; 14 stod i Vikedal. Ingen vart konfirmerte i Sandeid dette året, ettersom kykjelyden gjekk over til konfirmasjon om våren.

Sundag 15.okt. arrangerte soknerådet i Vikedal gullkonfirmantfest for Imsland og Vikedal.

Dagen starta med hausttakkegudsteneste i Vikedal kyrkje som var vakkert dekorert både i kor og i skip. Under gudstenesta vart 50-årskonfirmantane høgtideleg presenterte av soknerådsleiarane.

Etter høgtida i kyrkja hadde Vike-

dal sokneråd, som dette året fekk ansvaret for opplegget, pynta til fest på Vikedal bedehus. Soknepresten ynskte gjestene velkomne; og med haustens fargeprakt og levande lys på kvitduka bord, samt servering av utsøkte kulinariske retter, vart bordfellesskapet til ei gledesstund for alle. Allsongen runga, quiz på kyrkjeleg toppnivå vart løyst; det vart diktlesing, intervju med gullkonfirmantane og mimring. Folket såg ut til å storkosa seg inne,- medan ein haustleg og gufsande gråversvind feia over det gulnande landskapet

og minna oss alle om at også mennesket er underlagt naturen sine livslover. «Ja, tiden er en stadig strøm, den tar oss alle med» (NoS 835,5), som soknepresten siterte frå den engelske salmediktaren Isac Wats under innleiinga til gudstenesta.

Me takkar stort for samveret i lag med årets gullkonfirmantar og ynskjer kvar og ein lukke og signing over framtidige dagar og år.

*Vikedal sokneråd
v/ Harald Eintveit*



(Foto: H.E.)



Gullkonfirmantar i Imsland og Vikedal

Framme frå venstre: Anne Karin Hårajuvet, Norunn Karin (Haugland) Bjørnsen og Borgny Jofrid (Kvaløy) Hustoft. Midtre rekke frå venstre: Annfrid (Mo) Aksland, Brit Tove (Fjetland) Fossan og Signy (Tveit) Fosen. Bak frå venstre: Magne Andreassen, Johannes Ørnes, Peder Hustveit og Peder Blikra.

Gullkonfirmantar på Bjoa
Bjoa Kyrkje på søndag 29. oktober.
Frå venstre: Alf Magne Gundersen,
Jorunn Grunnevåg Stople, Anne
Karin Haga Rolfsnes, Gunnar Dale.
Presten står bak og passar på at alle
står fint... som for 50 år sidan.



Teikna av Mira Kristin Hansen, 4. kl. Imsland skule.



Teikna av Erlend Tveit, 5. kl. Bjoa skule



Søndagsskuleleiarane (frå venstre) Jorunn Didriksen, Britt Marie Westman, Sissel E Ek og Øyvind Halvorsen på stand på Sommerringospel i Skudeneshavn.

Søndagsskulen gir verdiar for livet

Ein fiskar på Filippinene fann ein gong en stor, kvit stein. Steinens på 34 kg blei liggjande under senga hans i ti år. Så tilfeldigvis fekk han vite at steinen eigentlig var ei perle med ein verdi på nærrare ein milliard kroner. Det går an å sitte på ein kjempeverdi utan heilt å vite det.

Kva har me del i, kva er me velsigna med, me som er med i Guds rike? Og kva gjer me for at enda fleire skal bli kjent med Jesus? Kvar veke samlast barn på Haugalandet og i Sunnhordland til søndagsskule der frivillige leiarar formidlar om Jesus og bibelforteljingane. For at og dei som ikkje kan komme på søndagsskulen skal få høre om Jesus lager me ein time med radio-søndagsskule kvar veke i samarbeid med Kristen Næreradio Haugaland. Søndagsskulane inviterer og til mange ulike arrangement som samlar heile familien, og me har stands for å spreie informasjon og invitere til søndagsskule.

Me ønskjer at alle barn skal bli kjent med Jesus som sin Frelsar, Herre og ven. Me ber om at trua på Jesus skal bli noko som får vekse og bu i hjarta til barna. For Søndagsskulen gir verdiar for livet! Men me treng hjelp. Vil du vere med å støtte søndagsskulen økonomisk? Du kan nytte vårt kontonummer 8220 02 81701 eller nettsida giver.sondagsskolen.no



Søndagsskuleleiari Kari Bolette Lundal og barn i Nysæter søndagskule på Stord.

På førehand takk!

Elisabeth Fauskanger
Søndagsskolekonsulent



Hausttreff på Imsland bedehus

Av Marita Dagsland

18. oktober arrangerte diakoniutvalet (Liv Hoff Imsland, Jolaug S. Kaldheim, Marita K. Staurland) i Imsland hausttreff på bedehuset. Jenni Katrin Hansen, Elise Rønnevik, Elida Birkeland og Josefin Mattson fra Hauk 4H var med å baka kaker. Nina Frøyland og Anne Flæte fra Fri-villigentralen fortalte om sitt arbeid. Jakob Skeie, Egil, Lilly Hundseid og Ingrid spela og song. Me var om lag 30 stk, som hadde ei triveleg stund ilag på bedehuset.



Basar og julemesse i Vikedal

Av Tone Andreassen

Basar/julemesse i Vikedal vart ein fin og velsigna ettermiddag. Dårleg ver skremte ingen frå å ta turen til Bedehuset i Vikedal. Det vart fullt hus og meir enn det, og eit fint resultat.

Ruth og Øystein Haga gledde oss med fin musikk og song.

Roar Vik, NMS sin faste arbeidar på Haugalandet, minna oss om kvifor det er så viktig å vera med i misjonsarbeidet. Me ynskjer at alle, kvar dei lever og bur, skal få eit liv med "framtid og von" i trua på Jesus Kristus. (Johs. 3,16 - Kvar den som trur på meg, skal ikkje gå fortapt men ha evig liv".)

Foreininga vår har berre 4 faste medlemmer. Men me får hjelp frå fleire misjonsvener som gjev oss gevinstar, og som hjelper oss på basaren.

Ein stor takk til alle frå NMS si Misjonsgruppe i Vikedal




Den kristne jula

Knut Thomas Hagen, Egmont

«Min tro er veldig enkel, den består bare av to ord: ja takk! Eller kanskje tre: ja, tusen takk», seier Hanne Krogh i eit intervju i årets utgåve av juleheftet *Hellig jul*. Derned set ho tonen for eit hefte som i fjor blei utgitt for første gong, og som allereie etter eit år er blitt ein tradisjon.

Hellig jul er redigert ut frå ønskje om å opna ein litt gjøymd «pakke» og fortelje om kva jula eigentleg tyder. Den kristne jula har følgt oss gjennom generasjonar, juletradisjonane har sett seg i folket. Men denne rikdommen avtru, kunnskap og tradisjon er i ferd med å bli gløymd.

I årets *Hellig jul* skriv Kari Bremnes om det gode møtet med tante Rikka og hennar trufaste tru. Reidar Hvalvik følgjer vismenna på deira vandring gjennom kunsthistoria - og kvifor vi snakkar både om «dei vise menna» og «dei heilage tre kongar». Notto Thelle dvelar ved jula sine bibeltekstar om dei tre som kom frå ytterpunktene av landa, dei bar med seg dåtida sin høgaste visdom og blei leia av Gud og førebudd av Gud. Dei søkte sanninga. Vi les om Luther og juletreten. Mens reportar Sigurd Falkenberg Mikkelsen ser jula i lys av Midtausten-katastrofa. Brynjulf Jung Tjønn og Aasne Linnestå har skrive



noveller, og vi finn tekstar av Leo Tolstoj og Sigrid Undset. Mens biskop Per Arne Dahl skriv om det sårbare mennesket, som det er verd å elska.

Det har gått femti år sidan julehefta var sikker leselykke i dei tusen heimar, men dei siste to-tre åra har det blomstra opp nye litterære hefter. Gleda og interessa rundt desse lover godt for at også nye generasjonar får eit forhold til denne sjangeren.

Hellig jul vert gjeven ut av Vårt Land forlag og Egmont, og er redigert av Olav Egil Aune, Elin Krogdal og Hans Ivar Stordal.

Kontakt:
knut.thomas.hagen@egmont.com



Teikna av Jonas Rørteit, 1. kl. Skjold skule

Godt Vaksen Fest på Innbjoa bedehus

Av Steinar Skartland

Diakoniutvalet i Bjoa samla laurdag 25. november 35 «godt vaksne» til fest på bedehuset. Her var det allsang, tale og sang av Steinar Skartland og i slutten også duettsang av Herlaug Norenes (piano) i lag med Elin Gjerde. To konfirmantar hjelpte til med kjøkken og servering. Både varmrett, kaker og kaffi stod på menyen. På denne festen sat latteren laust, både når kvart bord skulle konkurrera om å pakka opp julepakte, og når Herlaug og Elin las opp morosame historiar frå sogebladet m.m. Eit flott initiativ som vart sett pris på.



3=5000 menn; 4=12; 5=Maria
1=Gabriel; 2=Bethlehem;
(frå side 16)

Svar på juleenotter:

4. MON 5. EDDY 6. RUNA
Loddretten: 1. VOS 2. AM 3. SOVE
7. OSLO 9. DU 10. SUND 11. YA
Vanndretten: 1. VAR 3. SOMMER
Kryssordlysing:
7



Fungerande biskop Anne Lise Ådnøy

Visitas med domprost Anne Lise Ådnøy i Vikebygd, Skjold og Vats

Av Steinar Skartland

Sokneprest og sokneråda i Vikebygd, Skjold og Vats hadde førebudd seg godt på at den nye biskopen, Ivar Braut, skulle koma og gjera seg kjend med kyrkjene og kyrkjelydane. Grunna sjukemelding vart visitasen gjennomført med biskopen sin faste vikar, Anne Lise Ådnøy, domprost i Stavanger. Saman med henne deltok Geir Skårlund (avd.leiar kyrkje-lydsutvikling) og Rune Steensnæs Engedal (prost i Haugaland prosti). Dei reiste rundt i kommunen saman med sokneprest Jon Ådnøy og kyrkjeverje Inghart Lasse Tveit.

Møte med kommune, tilsette og fellesråd

Det var ei hektisk veke med mange innslag. På programmet stod møte med tilsette og sokneråd, kyrkleig fellesråd og kommunen. Onsdag 15.11. møtte dei ordførar, varaord-

førar og fung. rådmann på rådhuset i Vindafjord kommune, men besøkte også Tveit rekneskap og sjukeheimen i Vats.

Medarbeidarsamling og bygdekveld i kyrkja

Onsdag kveld var det laga til ei flott medarbeidarsamling i Skjold kyrkje. Her møtte frivillige medarbeidarar frå ein stor breidd av kristent arbeid og foreiningar i sokna. Biskopen nytta også her tida til å lytta og ta med seg inntrykk til bruk i visitasrapporten. Torsdag vart det bygdekveld i Skjold med underhaldning og lokal kultur. Kyrkja var fullsett, stolane snudde mot ein scene der fungerande biskop Anne Lise Ådnøy fekk oppleva humørfylte revyinnslag med brødrene Håkull, og vakker song og musikk med lokale krefter.

Gudsteneste for alle

Visitansen avslutta søndag 19.11. med ei felles visitasgudsteneste i

Skjold kyrkje for alle tre sokna, der sokneprest, prost og fungerande biskop deltok i kvar sine ledd av gudstenesta. Liturgien var snuett på, og talen av biskopen kom til slutt. Slik fekk borna delta i ei gudsteneste der det også var rom for dei og vi vaksne fekk sjå litt av det spennande som var i skattekista som skulle brukast i søndagsskuletimen. Denne vart samstundes som biskopen tala til dei vaksne. Men først vart det mykje flott og variert musikk, bønevandring og for dei yngste: Få fiska med stong oppe frå orgelgalleriet. Etter gudstenesta vart det invitert til kyrkjekaffi før biskopen hadde si oppsummering av visitasen.

Å koma inn til lys, varme og gode andlet

Her fylgjer eit utdrag frå visitasforedraget til fungerande biskop Anne Lise Ådnøy.

- Denne veka har me hatt mykje ver! Me har sett blå himmel, så vidt,

men me har også fått mykje regn. Men mellom regnet har me fått sjå at her er det vakkert og fint å bu! Me vandra til Refsnes i Blikrabygda, der fekk me sjå ope landskap og flotte fjell. Å gå frå regn, vind og novembermørke og inn i lyset, der det er folk, kan likne på kva det er å koma til ei kyrkje, sa fungerande biskop Anne Lise Ådnøy i visitasforedraget.

- Og å vera på visitas i Skjold, Vats og Vikebygd er å koma inn til lys, varme og gode andlet. Kyrkjene, bygdene og fellesskapet her har ein varme det er godt å koma inn i. Det har me sett i både møte med kommunen, skular og barnehagar, helsestener, næringsliv og livet i kyrkjelyden. Takk for god velkomst og ei flott veke!

Kyrkja i bygdene

Kvar kyrkje har sitt sær preg. Vikebygd kyrkje er i god stand. Ho har ein arkitektur som speglar tida ho er ifrå og taler til nye tider. Ho har Jesus og barna framme i koret, i glassmaleriet over alteret, varme fargar og eit spennande og levande interiør. Livet i kyrkjelyden står i stil til bygget. I Vikebygd er det gudstenester som samlar mange ved spesielle høve og gode tilbod til barn og unge i trusopplæring og speidar. Dei som leier kyrkjelydsarbeidet lukkast med å skapa ei inkluderande og folkeleg kyrkje.

Kyrkja i Vats er også ein kulturskatt. Orgelet er nyrestaurert og dei som kjem nye legg merke til den gode kyrkjesongen. Oppslutninga om dåp og konfirmasjon er høg. Det finst også kyrklege aktivitet som samlar folk på bedehusa i bygda. Speidaren står sterkt her også, og det glimtet av dei musikalske talenta som finst i soknet me fekk på bygdakvelden var eit stort løft. Kvaliteten og formidlingssevna står ikkje tilbake for nokon.

Vats kyrkjelyd har ei utfordring med å inkludera alle generasjonar i gudstenestene til vanleg. Me lever i ei tid der det finst mange alternativ til kyrkjegang sundag formiddag. Oppslutninga om kyrkja og kristent liv handlar om mykje meir enn delta-kartalet på gudstenester. Men eg vil oppmoda folk i Vats til å brukar gudstenestene sine og engasjera seg i dei. Tilbod til barn og medverknad frå barn, gjer det lettare for unge fa-



Søndagsskulen song og opna skattekista.

milar å vera på gudstenester. Involvering, der mange får delta og bruka talentene sine, gjer at fleire kjenner seg heime. Det kan vera mogleg å ta bort nokre benkar i kyrkja for å gjera ho meir funksjonell, og kyrkjebygg-konsulenten som sit i Stavanger kan vera ein god rådgjevar i dette.

Skjold fekk ny kyrkje i 1999

Ho har eit flott kyrkjerom, som gjev ei kjensle av å vera på ein heilag stad – som samtidig er open for alminnelege menneske. Kyrkja og kyrkjerommet fungerer godt til både høgtid, fest og kreative arrangement, slik me har sett denne veka. Speidarrommet nede er unikt, nesten som å vera ute samtidig som ein er inne. På dugnad og med eigne middel har kyrkjelyden klart å byggja dei nødvendige kontora. Kyrkja er blitt eit hus bygda har samla seg om og kan vera stolt av.

Takk til kommunen for gode løyingar til vedlikehald av kyrkjer gjennom mange år. Det betyr mykje for folk å ha kyrkjer som støtter opp under dei store hendingane dei rommar. Som mange andre stader utløyser også kommunal støtte ein stor frivillig innsats. Kommunen har varsla at det kan vera vanskeleg å halda oppe nivået, og kyrkja har forståing for at ressursane må brukast og fordelast godt. Samtidig har me mykje erfaring på at det både er god økonomistyring og eit viktig område å prioritera å ta godt vare på kyrkjene, som heilt sentrale kulturskantar, rom for aktivitet og for dei store

hendingane i bygda.

Folk og kyrkje

Nokre gongar kan me bli lurte til å tru at kyrkja har falle ut av synsfeltet til folk. Det er sant at me lever i ei tid med fleire religionar og livssyn side om side, utan tvang til å høyr til eit bestemt trussamfunn og ein tankegang og livsstil prega av det moderne. Hjå kommunen, i møte med skule og barnehage, på Vindafjordtunet, i sokneråda og i det eg høyrer frå dei tilsette, høyrer eg at folk her i Skjold, Vats og Vikebygd brukar kyrkjene sine. Medlemstalet er høgt. Det er god oppslutning om dåp, trusopplæring og konfirmasjon. Anten folk bruker kyrkja kvar veke eller nokre gongar i året, så høyrer eg at folk set pris på kyrkja, kjenner ho som si og kjenner seg velkomne.

Kyrkjelydane har lukkast med å gjera dørene høge, portane vide og tersklane låge. Gjennom speidararbeid, trusopplæring, konfirmasjon, festgudstenester og kyrklege handlingar prioritærer sokneråd og tilsette å vere kyrkje for alle.

Biskopen peika på korleis nye innvandrarar er inkluderte, og var sikker på at det er rom for folk med ulik livsstil og ulike blandingar av tru og tvil også rundt nattverdbordet. - Me tek med oss inntrykket av at kyrkjelydane her er gode folkekirkjefellesskap.

Kyrkje, skule, næringsliv, kommune

Biskopen peika på at kyrkja har mykje viktig å bidra med i liva våre. Ho såg døme på god rolleforståing

og positive haldingar mellom kyrkje og skule, og meiner at kyrkja er ein viktig ressurs for skulen. Kyrkja skulle gjerne hatt fleire ressursar til å samarbeida enno meir aktivt med skulen, men dei ressursane ein har i dag blir nytta svært godt. Biskopen håpar både kyrkje og skule vil halda fram med det gode samarbeidet og sjå etter gode måtar å utvikla det vidare på. Særleg peika ho på

ein flott trusopplæringsplan, tydeleg både på kristen tru og tradisjon og på kva verdiar kristen tru gjev i livet. Planar som tek barn og unge på alvor. Ho nemnde her også det rike frivillige arbeidet i sokna.

Å vera til for andre

- I kyrkja heiter dette diakoni, eit ord som kjem av ordet for å tena.

Biskopen nytta dømer i frå Tveit regnskap, møte med ei gruppe tilsette på Vindafjordtunet, og sa:

- Der strøyma det over med engasjement for dei menneska institusjonane og heimetenestene er til for. Omsorgstenesta har også god kontakt med kyrkja. Dei fortalde korleis

det rett og slett verkar positivt inn på korleis pasientar har det å få snakka med presten.

Ho oppfordra kommune og kyrkje til å knyta presten til kriseteamet i kommunen, slik det er mange stader elles i landet. Departementet har nettopp stadfest at det er ein god mal som styrker samfunnet si evne til å møta krisesituasjonar på ein god måte. Vidare peika ho på verdien av diaconi.

- Som kyrkje meiner me at investering i diaconi alltid kastar mykje av seg, sa ho. Tilsette utløyer større frivillig engasjement. Ådnøy utfordra sokneråda til å samla det som finst av diakonalt arbeid i ein plan – og tenka framover på kva som er mogleg. Ho viste også til arbeidet med misjonsprosjekta til sokna.

Prøveordninga med felles soknerråd for Skjold og Vikebygd fungerer svært godt, seier ho. Den gjev meir fleksible rammer i organiseringa enn å slå sokna saman fast, slik at sokna gjerne kan halda fram med dette så lenge det går an. Fellesrådet har eit godt fokus og ei viktig rolle her.

Gudstenester

Visitrapporten peikar på godt gudstenesteliv, men med trong for nokre endringar mtp. klokkeslett og utfordingane med å ha berre to organistar i dei åtte kyrkjene. Kyrkjelydane er velsigna med mange dyktige frivillige musikarar og songarar og mange unge talent. Ho oppfordrar til at det vert lagt gode planar for samarbeid og allsidig gudstenestetilbod, slik at ikkje ulike gudstenesteformer blir sett på som konkurrentar, men som tilbod som fungerer best i samklang.

Takk til frivillige

Biskopen takka både tilsette, frivillige og tillitsvalde for gode møte under visitasen.

-Me har møtt ein triveleg gjeng med mange talent og godt humør, høg kompetanse, oppbredda erme, slitestyrke, gode idéar og kjærleik til kyrkja og Herren. Folk som bur i Skjold, Vats og Vikebygd har ei kyrkje som bryr seg om dei.

Les heile foredraget på:
www.kyrkja.no/stavanger



Fellesrådet i møte med biskop. Geir Skårlund, Steinar Skartland, Arild Urdal, Johan Georg Vestbø, Jon Ådnøy, Anne Lise Ådnøy, Leiv Karsten Medhaug, Anne Kristine Anderssen, Øyvind Valen, Harald Eintveit, Inghart Lasse Tveit og Rune Steensnæs Engedal



Ole Johan Vierdal og Anne Lise Ådnøy



Inngangsprosesjon i gudstenesta



Variert musikkstil fekk prega gudstenesta

Takk for meg!

Kjære kyrkjelydar i Skjold, Vikebygd, Bjoa, Ølen, Sandeid, Vikedal, Imsland og Vats!

I 3 og eit halvt år, sidan første gudstenesta i Imsland 17. mai 2014, har eg fått vore prostiprest i Vindafjord. Det kunne ha blitt ei litt heseblesande, upersonleg erfaring - med 8 kyrkjer og kyrkjelydar å ha teneste i og for. I staden ser eg attende på ei mengd givande møte med gode folk; samlingar i heimar og i kyrkjene. Overalt har eg kjent på Guds nærvær og velsigning.

No seier eg takk for meg etter gudstenestene i Bjoa og Vikebygd 24. desember. Frå 1. januar er eg pensjonist og ser fram til det. Men først vil eg takke for fine år og gode opplevingar.

Takk til prestekollegar og alle andre tilsette som har lagt alt til rette; gjort det lettare å «hoppe inn» i 8 sokn - og berre vore til inspirasjon



og oppmuntring. Nokre har eg hatt gudstenester saman med - gode minne!

Takk til alle som møtte meg i kyrkjene kvar gong - som klokkar, kyrkjetenar eller kyrkjevert. Og de som sto for kyrkjekaffi eller ba inderleg for meg og andre før kvar einaste samling. Alle gjorde de gudstenester og andre kyrklelege handlingar tryggare, varmare, rikare.

Takk til dei tilsette i Ølen gravferdsbyrå - dei har vore til støtte og hjelpe ved nesten alle gravferder. For meg som ikkje var kjent i Vindafjord frå før, gjorde det ein stor skilnad.

Takk til kvar og ein eg har møtt - ved gudstenester, gravferder og bryllaup. Takk for alle samtalar, for tillit og nærvær. For dåpsbarn eg har fått leggje i Guds hender, gode blikk ved nattverdbordet, fine stunder under kyrkjekaffien. Summen av alt: Samvera med dykk har vore fulle av meinings; i glede, sorg og gudstenes-tefeiring.

Kanskje møter eg mange av dykk igjen - som vikar; i så fall vil det vere rein bonus! No ynskjer eg dykk alle gode dagar; fram mot jul og i tider som kjem. Ta vare på kvarandre og på gode møteplassar - det gjer livet rikare!

*Varm helsing
Eldbjørg (Andreassen)*

Avskilsintervju med Eldbjørg Andreassen

Av Trygve Sandvik

I samband med at Eldbjørg Andreassen sluttar av som prostiprest til nyttår, har Hyrdingen stilt henne nokre spørsmål:

Kor kom du frå før du vart prostiprest, og kor lenge har du vore i prestetenesta?

Eg vart ordinert i 2002, og deretter var eg prest i Avaldsnes, Norheim og Haugesund. I alt har eg 15 år bak meg i tenesta.

Kvar bur du, og kor er du oppvaksen? Eg bur i Haugesund, men eg er opphavleg sunnmøring, men i heile mitt vaksne liv har eg budd på Hauge-landet.

Er det noko du hugsar spesielt godt frå møte med menneske i Vindafjord anten i gudstenestene eller andre stader i kommunen?

Nei, det kjem eg ikkje på. Det viktigaste for meg har vore å vera til sta-

des der og då. I og med at eg har vore prostiprest, har det gjerne gått 3 – 4 månader før eg har truffe same menneske att, og difor har det vore viktig for meg å gjera jobben min på den staden der eg er. Men det har vore svært interessant å verta kjend rundt omkring i Vindafjord i møte med dei naturfagre bygdene. Før eg vart prostiprest visste eg svært lite om kommunen med dei mange kyrjesokna sjølv om han ikkje ligg så langt frå Haugesund.

Kva skal du ta deg til som pensjonist?

Eg har nett blitt bestemor, men eg er framleis prest, og eg reknar med å vera vi-karprest ei tid. Elles så har mannen min og eg ein del reiseplanar.

Har du nokre hobbyar?

Nei, ikkje noko spesielt. Men eg er glad i å lesa, og eg likar å reisa.

Hyrdingen vil med dette nyta høvet til å takka Eldbjørg Andreassen for den tenesta ho har gjort i kommunen, og me ønskjer henne lukke til som pensjonist der me vonar ho får mange gode år framover.



*Teikna av Eline Opheim Lærdal,
4. kl. Sandeid skule*

Basar og konsert på Sandeid bedehus

Av: Ranveig L. Mattingsdal

Onsdag 8. november hadde me basar på Sandeid bedehus. Mange fine gevinstar og masse folk. Endre Stople hadde andakt. Ei fin bibelfortelling om Sakkeus som ønskja å sjå Jesus. Berit Stople fekk med seg nokre born som lika å syngja. Dei song mange fine songar og var kjempeflinke. Det blei servert mat og kaffi som det pleier. To åresal og så trekking på bok, der det kom inn totalt kr 32000. Styret i Sandeid bedehus takkar for mange fine gevinstar og alle som kjøpte lodd og som kom på basaren. Takker også for hjelp av

frivillige til å vera med å gjennomføra denne kvelden.

Torsdag 9. november arrangerte Eileen og Jonas Bergem konsert på bedehuset. Dei song mange forskjellige songar og noko for ein kvar smak. Nydeleg konsert og fin stemning med mykje lys. Det varma ein kald november-kveld. Tusen takk for ein flott konsert!

På konserten kom det inn kr 2000 som blir fordelt på BaanChvitMai (ein barnehjem nord i Thailand som Knut Inge Bergem er med og driv) og til Magnhild Mattingdal sitt arbeid for unge kriminelle i staten Sinaloa, Mexico, for Ungdom i oppdrag.



Vinnar av Julenøtter konkurransen

Av Steinar Skartland, redaktør

Skulane i Vindafjord vart invitert til å laga «Julenøtter» til Hyrdingen og vi fekk inn mange gode forslag. Redaksjonen kåra 5. og 6. klasse ved Vågen skule som vinnar. Julenøttene ser du på side 16.



Årsmøte, styre og vedtekter i Hyrdingen

Av Steinar Skartland

Kyrkjebladet Hyrdingen er snart 60 og tida er inne for å tenkja gjennom korleis bladet er organisert. Sokneråda kom saman til årsmøte på rådhuset 24. oktober for å vedta vedtekter og velja styre.

Sokneråda var oppmoda om å stilla med ein representant for kvart kyrkjesokn. I tillegg var redaksjonen invitert. Til nå har den einaste organiseringa vore ei redaksjonsnemnd på fire personar og at rekneskapen inngår i Fellesrådet sin rekneskap. Men kven eig Hyrdingen? Årsmøtet er samde om at

det er sokneråda som står bak bladet, men at det er naturleg å ha dette i vedtekter.

Årsmøtet godkjende rekneskap og årsmelding frå redaksjonen. Til nå har ein greidd drifta med hjelp av innkomne bladpengar og annonsar, men med underskot i 2016. Vidare gjorde årsmøtet vedtak om å stifta Kyrkjebladet Hyrdingen etter retningslinene for ei foreining og registrere denne i Einigsregisteret i Brønnøysund.

Årsmøte handsama og vedtok vedtekter for kyrkjebladet. Desse vert lagt ut på internett: www.hyrdingen.no for dei som vil gjera seg kjende med innhaldet. Hovudpunktene er:

Kyrkjebladet Hyrdingen vert organisert som ei foreining der sokneråda er medlemmer. Årsmøtet vel eit styre på 3-5 medlemmer. Dette har ansvar for økonomi og forretningsmessige oppgåver. Styret skaffar redaktør og medlemmer i redaksjonsnemnda. Men det er framleis redaksjonsnemnda som skal ha det redaksjonelle ansvaret og utgje bladet med 6 utgåver i året.

Til styret første året vart vald: Leiv Karsten Medhaug (leiar), Guri Gjerde og Gunnar Listog. Varamedlemmer er Brit Nelly Ness Tveit og Tore Tokheim. Redaktøren deltek i styremøte, men utan røysterett.

Velkommen til
Lundeneset

Hjemmefra, men ikke alene

Lundeneset VGS er en kristen privatskole i Ølensvåg.
Vi tilbyr Studiespesialisering, Medier og kommunikasjon,
Service og samferdsel og Påbygging til generell studiekompetanse.

HOS OSS FÅR DU KUNNSKAP OG VENNER FOR LIVET!

LES MER PÅ LVS.NO

LUNDENESET VGS • Vi er en del av NLMvgs • LUNDENESET VGS • Vi er en del av NLMvgs • LUNDENESET VGS • Vi er en del av NLMvgs

GRAVSTEIN



Se vår store utstilling, eller ring og be om katalog.

www.skattkjaer.no

Skattkjær Skiferindustri as

Ørpelheitsvn. 59 • tlf. 52 70 42 90
Mandag-fredag kl. 07.30-15.30 • Torsdag til kl. 18. Lørdag stengt.

Knaphus B i l
5576 Øvre Vats Tlf. 52 76 73 10

Knaphus Dekk & Bilverksted
5576 Øvre Vats Tlf. 52 76 73 12

SpareBank SR-BANK

joker
Vikebygd Landhandel AS
Tlf. 53 76 91 69 - Faks 53 76 91 01 - joker.vikebygd@ngbutikk.net

BLOMAR TIL GRAVFERD

Me leverer alle typar sorgbinding. Ølen Begravelsesbyrå har bøkene våre, med mange bilde. Spør om å få sjå dei, eller ta kontakt med oss direkte. Du finn oss og på nettet.

 **Ølen Blomster**
Tlf. 53 76 88 35 • www.olenserter.no  



Primærtjenesten Bjoa AS
Rep. av jordbruksredskap og mek. verksted
TLF. 53 76 97 61
Mobil: 905 42 342 - Fax 53 76 92 80

STELL AV GRAVPLASSER!
Kontakt Miriam:
93 21 66 79 / 52 75 88 60



FRÅ KYRKJEBOKA

	Døde	Døpte	Vigde
Bjoa	22.10.17 Roald Magne Tveitaskog f.1950 06.11.17 Marta Granberg f. 1934	29.10.17 Olai Alne Gjellestad 26.11.17 Vera Skogen Strand	
Imsland		29.10.2017 Serine Særsten	
Ølen	04.10.17 Helga Brekke f. 1928 05.11.17 Mikal Roa f. 1921 07.11.17 Solveig Konstanse Hauge f. 1922 12.11.17 Geir-Tore Stråbø f. 1958	05.11.2017 Niklas Eikesdal Vågen 03.12.2017 Sofie Vetrhus Engenes 03.12.2017 Levi Nordtveit	
Skjold	14.10.17 Øystein Kalstveit f.1950	29.10.17 Håkon Fjeldheim 03.12.17 Mikkel Velde Kvamme 03.12.17 Selmer Opheim Vestre 03.12.17 Vilja Helen Eide Knutsen	
Sandeid	15.10.17 Marit Reidun Bergliot Matre f.1934	12.11.17 Hanna Stensland 12.11.17 Mathea Lærdal Stople 12.11.17 Olise Larsen 12.11.17 Theo Furseth	
Vats	01.11.17 Toralv Sørhus f.1923 18.11.17 Hallvard Nonslid f.1929	05.11.17 Adrian Strand Norheim	
Vikedal		26.11.17 Kristoffer Sigmundstad	14.10. Anette Høiland og Åsmund Sævareid
Vikebygd			14.10.17 Sunniva Tveit og Asgeir Gregersen

VELKOMEN TIL GUDSTENESTE

DATO	KYRKJE	KL.	TITTEL	INFO	PREKENTEKST
10.12.2017	Vikebygd kyrkje	17:00	Lysmesse	Takkoffer Norges KFUM-Speidere	Luk 21,27-36
10.12.2017	Imsland kyrkje	17:00	Lysmesse	Konfirmantane tek del./Takkoffer til konfirmantarbeidet.	Luk 21,27-36
10.12.2017	Skjold kyrkje	19:00	Lysmesse	Konfirmantane deltek. Takkoffer til Kirkens Bymisjon	Luk 21,27-36
17.12.2017	Vikedal kyrkje	17:00	Lysmesse	Konfirmantane deltek. Takkoffer til konfirmantarbeidet	Luk 3,7-18
17.12.2017	Ølen kyrkje	17:00	Lysmesse	Konfirmantane deltek. Takkoffer til Evangeliesenteret.	Luk 3,7-18
24.12.2017	Imsland kyrkje	12:30	Familiegudsteneste	Takkoffer til Kirkens Nødhjelp.	Luk 1,39-45
24.12.2017	Vikebygd kyrkje	14:30	Familiegudsteneste	Takkoffer til Misjonsprosjektet.	Luk 1,39-45
24.12.2017	Vats kyrkje	14:30	Familiegudsteneste	Takkoffer til Misjonsprosjektet.	Luk 1,39-45
24.12.2017	Ølen kyrkje	14:30	Familiegudsteneste	Takkoffer til kyrkjelydsarbeidet.	Luk 1,39-45
24.12.2017	Sandeid kyrkje	14:30	Familiegudsteneste	Takkoffer til Kirkens Nødhjelp.	Luk 1,39-45
24.12.2017	Vikedal kyrkje	16:00	Familiegudsteneste	Takkoffer til Kirkens Nødhjelp.	Luk 1,39-45
24.12.2017	Bjoa kyrkje	16:00	Familiegudsteneste	Takkoffer til kyrkjelydsarbeidet.	Luk 1,39-45
24.12.2017	Skjold kyrkje	16:00	Familiegudsteneste	Takkoffer til kyrkjelydsarbeidet.	Luk 1,39-45
24.12.2017	Ølen kyrkje	16:00	Familiegudsteneste	Takkoffer til kyrkjelydsarbeidet.	Luk 1,39-45
25.12.2017	Vikedal kyrkje	11:00	Høgtidsgudsteneste	Nattverd.	Joh 1,1-14
25.12.2017	Ølen kyrkje	12:00	Høgtidsgudsteneste	Nattverd. Takkoffer til Frelsesarmeens Haugesund	Joh 1,1-14
25.12.2017	Skjold kyrkje	12:00	Høgtidsgudsteneste	Nattverd. Kirkens Nødhjelp	Joh 1,1-14
26.12.2017	Vats kyrkje	11:00	Hovedgudsteneste	Nattverd. Gå ut - senteret	Matt 10,16-22
31.12.2017	Vikedal kyrkje	17:00	Gudsteneste		Joh 14,27
31.12.2017	Vats kyrkje	23:00	Kveldsgudsteneste	Nattverd. Feedback	Joh 14,27
01.01.2018	Sandeid kyrkje	12:00	Høgmesse	Nattverd	Matt 1,20b-21
07.01.2018	Skjold kyrkje	11:00	Familiegudsteneste	Bibel 5.-klasse	Luk 2,40-52
07.01.2018	Ølen kyrkje	11:00	Høgmesse		Luk 2,40-52
07.01.2018	Imsland kyrkje	16:00	Familiegudsteneste	Takkoffer til kyrkjelydsarbeidet. Utdeling av KONFIRMANTBIBELEN.	Luk 2,40-52
14.01.2018	Vikedal kyrkje	11:00	Familiegudsteneste	Utdeling av KONFIRMANTBIBELEN.	Mark 1,3-11
14.01.2018	Vats kyrkje	11:00	Familiegudsteneste	Bibel 5. klasse	Mark 1,3-11
21.01.2018	Ølen kyrkje	11:00	Høgmesse		Joh 4,4-26
21.01.2018	Vikebygd kyrkje	11:00	Familiegudsteneste	Bibel 5.-klasse	Joh 4,4-26
21.01.2018	Sandeid kyrkje	16:00	Familiegudsteneste	Utdeling av KONFIRMANTBIBELEN til 11-åringane.	Joh 4,4-26
21.01.2018	Skjold kyrkje	17:00	Høgmesse	G 17-gudsteneste. Nattverd	Joh 4,4-26
28.01.2018	Imsland kyrkje	11:00	Høgmesse		Rom 10,13-17
28.01.2018	Vats kyrkje	11:00	Høgmesse	Nattverd	Rom 10,13-17
28.01.2018	Bjoa kyrkje	11:00	Familiegudsteneste	På Brandøy Ungdomsheim, saman med leir for 11-åringane.	Rom 10,13-17
04.02.2018	Ølen kyrkje	11:00	Høgmesse		Mark 9,2-13
04.02.2018	Skjold kyrkje	11:00	Høgmesse	Nattverd	Mark 9,2-13
04.02.2018	Vikedal kyrkje	11:00	Høgmesse		Mark 9,2-13
11.02.2018	Vats kyrkje	11:00	Høgmesse	Nattverd	Joh 12,20-33
11.02.2018	Sandeid kyrkje	11:00	Høgmesse		Joh 12,20-33
11.02.2018	Vikebygd kyrkje	17:00	Høgmesse		Joh 12,20-33

“Lat oss ikkje halda oss borte når kyrkjelyden vår samlast” (Hebr. 10,25)

Julekonsert «Det hev ei rose sprunge...»

Av Ingrid M. Sørvåg

Laurdag 9. desember kl 16 skal me ha julekonsert i Vikebygd kyrkje, slik me har hatt dei siste åra. Julekrybba er sett fram, men me ventar framleis på Jesusbarnet. Me tenner to lys i adventskransen, får høyre julemusikk, alt frå «I'm dreaming of a white Christmas» til «Det hev ei rose sprunge».

Bygda er heldige og har skule- og ungdomskorps, saman med dirigenten Andreas Ulveraker stiller dei opp

år etter år. Konserten er kortreist, alle artistane kjem frå bygda eller bur i bygda. I skrivande stund har me ikkje heile programmet ferdig, men me veit at borna frå Vennekubben skal syngje for oss. Arne Tveit, Helge Veastad, Cathrine Hamre Tindeland og Sandra Bjørnset Sælemyr, Lene Bjerga, Jone Bjerga og fleire. Tom Roger Aadland skal syngje, om det er blir Dylan før jul veit me ikkje.

Me avsluttar konserten med å reise oss og syngje «Deilig er Jorden». Kanskje me skulle prøve oss på ny-

norskversjonen i Gunnar Rysstad si omsetjing frå 1900?

Fager er jordi,
herleg er Guds himmel,
Glade gjeng sjelene pilgrimsgong.
Gjennom dei fagre
rike på jordi
Gjeng me til paradis med song.

Me sel ikkje billettar til denne konserten, men me samlar inn ei gåve til Kirkens Bymisjon, Haugalandet ved utgangen. Slik er me med på å støtte det mangfaldige arbeidet dei driv.

MØTE OG ARRANGEMENT

Sandeid bedehus

07.12.	torsdag	19:00	Sangkveld
11.12.	måndag	19:00	Bønnemøte
18.12.	måndag	19:00	Bønnemøte
25.12.	måndag	19:00	Bønnemøte
28.12.	torsdag	17:30	Juletrefest

KRIK Sandeid 7.-10. klasse

16.12. lørdag 20:00-22:00 Gymsalen, Sandeid Skule

Bedehusa i Vats

10.01.	onsdag	19:30	Øvre Vats, NMS
13.01.	laurdag	18:00	Kårhus, Nyttårsfest
17.01.	onsdag	19:30	Blikrabygda, Muslimmisjonen
24.01.	onsdag	19:30	Kårhus, NLM
31.01.	onsdag	19:30	Øvre Vats, Indre Sjø.
07.02.	onsdag	19:30	Blikrabygda, Samemisjonen

Kyrkjelinet i Ølen

7.12. torsdag 11:00-13:00 Torsdagstreff

Sjå Kyrkjelinet si nettside:

www.kyrkjelinet.no

eller følj oss på: Facebook/Kyrkjelinet

Vågen bedehus

10.12.	søndag	11:00	Søndagsskule,
10.12.	søndag	17:00	Søndagsmøte, NLM, Talar: Anne Kristine Rosberg
12.12.	tirsdag	18:00	Yngres,
13.12.	onsdag	19:30	Bønnemøte,
16.12.	lørdag	20:00	Loftet,
17.12.	søndag	19:30	Søndagsmøte, Gideon, Talar: Eiliv Tepstad
20.12.	onsdag	19:30	Bønnemøte,
24.12.	søndag	14:00	Julemøte, Talar: Håvard Brekkå
28.12.	torsdag	18:00	Juletrefest, Talar: Arnt Magne Granberg
3.1.	onsdag	19:30	Bønnemøte,
10.1.	onsdag	19:30	Bønnemøte,
14.1.	søndag	19:30	Søndagsmøte, Songandak med Ole Agnar Aadland og Per Ølfarnes
16.1.	tirsdag	18:00	Jentelagsbasar, NLM,
17.1.	onsdag	19:30	Bønnemøte,
21.1.	søndag	11:00	Søndagsskule,
21.1.	søndag	19:30	Søndagsmøte, "Misjonsklokka",
24.1.	onsdag	19:30	Bønnemøte,
28.1.	søndag	18:00	Årsmøte for Vågen bedehus,
30.1.	tirsdag	17:30	Jentelaget og gutelaget,
30.1.	tirsdag	19:30	Møte, NLM, Talar: Stein Sandvik
31.1.	onsdag	19:30	Møte, NLM, Talar: Stein Sandvik
1.2.	torsdag	19:30	Møte, NLM, Talar: Stein Sandvik
2.2.	fredag	19:30	Møte, NLM, Talar: Stein Sandvik
3.2.	lørdag	18:00	Generasjonssamling, NLM, Talar: Stein Sandvik
4.2.	søndag	11:00	Søndagsskule,
4.2.	søndag	19:30	Søndagsmøte, NLM, Talar: Stein Sandvik
7.2.	onsdag	19:30	Bønnemøte,

Kårhus Bedehus - Årsmøte

Måndag 19. febr. kl. 19:30. Andakt, årsmøtesaker, eventuelt. "Litt å bita i." Velkommen!

Bedehusa i Skjold

10.12.	sundag	10:00	Ersland. S.skulefrukost
14.12.	torsdag		Ersland. Bønnemøte
27.12.	onsdag	18:00	Austrheim. Juletrefest
27.12.	onsdag	18:00	Ersland. Juletrefest

Innbjoa bedehus

13.12.	onsdag	10:00	Bønnemøte
15.12.	fredag	16:30-17:30	Credo på Bjoa skule
07.01.	søndag	15:00	Julefest på Brandøy

Brandøy, våren 2017

2.-4. febr	Damehelg
23.-25. febr	Brandøytreff
23.-27. mars	Påskefestival 7.-10. klasse
28.mars-1.apr	Påskeleir 10. klasse ++
6.-8. april	Tweensweekend 5.-7. klasse
13.-15. april	Juniorhelg 4-9 år m/følge
23.-27. april	Vårtreff

Vikebygd bedehus

7.12.	torsdag	11:00	Adventsmøte m/lett formiddagsmat
29.12	fredag	17:00	Juletrefest
11.1.	torsdag	19:30	Brandøykveld. Annbjørg N. Vågen deltek med song, kveldsord og nytt fra Brandøy.
25.1.	torsdag	19:30	Gladsong
8.2.	torsdag	19:30	Møte

Årsmøte Arken

Vats bedehus / soknehus. Måndag 29. jan. kl. 19:30 på Kårhus bedehus. Andakt. Årsmøtesaker, Økonomi, Planar vidare, Eventuelt? Enkel servering / kveldsmat.
Møt fram! Velkommen!

"60+ treff" i Skjold kyrkje våren 2018:

Skjold sokneråd ved diakoniutvalet ønsker velkommen til uformelle, sosiale samvær i kyrkjelydsalen 4 torsdagar til våren: 25.jan, 22.febr, 22.mars og 26.april. kl.14:00 – kl.16:00. Her blir prat med kaffi og litt attåt. Den 25.jan vert sokneprest Jon Ådnøy med Sjå plakatar. Velkommen!

Syng jula inn i Imsland

Det skal vera syng jula inn i Imsland kyrkje onsdag 13.des kl.19:00. Lokale songarar/musikantar blir med. Og servering av lussekattar! Arr: soknerådet.

Vats pensjonistlag møte i Vindafjordhallen kl. 17:00-19:30

30. januar: Kåsør Asbjørn Lervik. Årsmøtesaker.
27. februar: møte
20. mars. Me får besøk av eit firma: "BEDRE LIV"
Alle VELKOMMEN

Vats kyrkje - Me syng jula inn på fleire språk

13. desember kl. 18:00. Kom og ver med å syngja julesongar på norsk og engelsk, tysk og endå fleire språk. Jula er for alle. Særleg velkomne er alle med eit anna morsmål enn norsk. Ta med naboen og kom! Velkommen! (det kostar ingenting)Arr.: Vats sokneråd

Julekonsert i Skjold Kyrkje

Velkommen til julekonsert med fleire lokale aktørar i Skjold Kyrkje 17. desember kl. 17:00. Arr. G17 og Skjold barnekor.

KRYSSORD

(bokmål)

Vannrett:

1. årstid
3. istid
7. hovedstad
9. fugl+e
10. kommune i vest
11. Yasmin Andersen

Loddrett:

1. stopp på Bergensbanen
2. Åge Moss
3. duppe av
4. ukedag ...day (eng.)
5. guttenavn
6. jentenavn

Løysing side 7

Julenøtter

frå 5. og 6. klasse ved Vågen skule

1. Kva heiter engelen som Gud sendte til Maria med bod om at ho skulle få ein son?
2. Kor vart Jesus fødd?
3. Kor mange menn metta Jesus ved Genesaretsjøen?
4. Kor mange lærersveinar hadde Jesus?
5. Kven fødde Jesus?

Svar kan du finne på side 7



Teikna av Eva Nordtveit, 7. kl. Vats.



Teikna av Emilia Aaserød, 6. kl. Vats.



Teikna av Celina Sjo Heggebø,
2. kl. Ølen.

Åndaktstelen
380 91 700
Åpent hele døgnet!
Ny andakt tirsdag og fredag.
Tjenesten er gratis

**Korleis har du det...
EIGENTLEG?**
Eit menneske å snakke med
når livet er som verst
SOS-Chat: www.soschat.no
SOS-melding: www.kirkens-sos.no

Neste nummer av Hyrdingen
kjem ut 1. februar.
Frist for levering av stoff er
8. januar.